

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTON
Broj: T04 0 KT 0064112 25
Zenica, 12.08.2025. godine**

**OPĆINSKOM SUDU U ZENICI
-Sudiji za prethodno saslušanje-
ZENICA**

Na osnovu člana 45. stav 2. tačke i), člana 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem

OPTUŽNICU

Protiv:

1. **G. M.** zv. „M.“, , osuđivan,
2. **U. T.** zv. „G.“, osuđivan

što su:

1. **G. M.**, sam

dana 27.12.2024. godine, oko 18:05 sati, u Z., na adresi boravišta u mjestu ..., suprotno odredbama člana 4. stav 1. i člana 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je znao da je prodaja opojne droge zakonom zabranjena, to je i htio, pa je navedenog dana licu E. A. prodao za njemu poznati novčani iznos opojnu drogu „marihuanu“, odnosno biljnu materiju neto mase 2,303 grama za koju je vještačenjem utvrđeno da sadrži psihoaktivnu komponentu „tetrahidrokanabinol“ (THC), te predstavlja opojnu drogu „cannabis sativa L“, poznatiju kao opojna droga „marihuana“ koja se kao takva nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11)¹ i to u Tabeli I (Zabranjene tvari i biljke) pod rednim brojem 13. Popisa opojnih droga, odnosno rednim brojem 26. Popisa psihotropnih tvari, na način da se E. A. putničkim motornim vozilom marke „...“ registarskih oznaka „...“ dovezao do kuće G. M. na navedenoj adresi koje je parkirao na prilaznom putu do kuće, a zatim kroz dvorište kuće došao do iste gdje se zadržao kraći vremenski period, a zatim se odvezao vozilom kojim je

¹ Lista opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11).

došao nakon čega je, oko 18:23 sati, kontrolisan od strane policijskih službenika u mjestu ..., Z. kojom prilikom je policijskim službenicima dobrovoljno predao navedenu opojnu drogu,

dakle, neovlašteno prodao opojnu drogu,

2. G. M. i U.T., zajedno,

dana 13.02.2025. godine, oko 15:10 sati, u Z., na adresi boravišta u mjestu ..., suprotno odredbama člana 4. stav 1. i člana 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako su znali da je prodaja opojne droge zakonom zabranjena, to su i htjeli, pa su navedenog dana licu L. M. prodali opojnu drogu „marihuanu“, odnosno biljnu materiju neto mase 2,650 grama za iznos od 20,00 KM za koju je vještačenjem utvrđeno da sadrži psihoaktivnu komponentu „tetrahidrokanabinol“ (THC), te predstavlja opojnu drogu „cannabis sativa L“, poznatiju kao opojna droga „marihuana“ koja se kao takva nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11)² i to u Tabeli I (Zabranjene tvari i biljke) pod rednim brojem 13. Popisa opojnih droga, odnosno rednim brojem 26. Popisa psihotropnih tvari na način da se L. M. putničkim motornim vozilom marke „...“ registarskih oznaka „...“ dovezao do parcele i pomoćnih objekata koji se nalaze u neposrednoj blizini kuće G. M. na navedenoj adresi, a zatim pješke otišao do pomoćnog objekta u kojem su se, u tom momentu, nalazili G.M. i U. T. sa kojima ostvaruje komunikaciju kada im saopštava da želi da kupi „marihuanu“ nakon čega U. T. pokreće pmv. „...“ i odvozi se do kuće G. M. iz koje uzima opojnu drogu „marihuanu“, a zatim se pješke vraća do pmv. marke „...“ i predaje opojnu drogu L. M. čije vozilo policijski službenici dalje nadziru i kontrolišu u ulici ... u Z. kada utvrđuju identitet vozača koji im dobrovoljno predaje navedenu opojnu drogu potvrđujući da je istu kupio po prethodnom dogovoru sa U. T.,

dakle, neovlašteno prodali opojnu drogu,

3. G. M., sam

dana 12.02.2025. godine, oko 15:35 sati, u Z., na adresi boravišta u mjestu ..., suprotno odredbama člana 4. stav 1. i člana 20. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je znao da je prodaja opojne droge zakonom zabranjena, to je i htio, pa je navedenog dana licu A. M. prodao za njemu poznati novčani iznos opojnu drogu „speed“, odnosno bijelu praškastu materiju neto mase 2,448 grama za koju je vještačenjem utvrđeno da sadrži psihotropnu komponentu „amfetamin“, odnosno predstavlja opojnu drogu koja se, kao takva, nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11) i to u Tabeli II (Tvari i biljke pod strogim nadzorom) pod rednim brojem 1. Popisa psihotropnih tvari na način da se A. M. putničkim motornim vozilom marke „...“ registarskih oznaka „...“ dovezao do parcele i pomoćnih objekata koji se nalaze u neposrednoj blizini kuće G. M. na navedenoj adresi, a zatim pješke otišao do pomoćnog objekta u kojem se nalazio G. M. od kojeg preuzima opisanu opojnu drogu te vozilom napušta mjesto koje vozilo policijski službenici nadziru i kontrolišu u ulici ... u Z. kada utvrđuju identitet vozača koji im dobrovoljno predaje navedenu opojnu drogu,

² Ibid 1.

dakle, neovlašteno prodao opojnu drogu,

4. G. M., sam

dana 21.02.2025. godine, oko 11:25 sati, u Z., u ulici ..., suprotno odredbama člana 4. stav 1. i člana 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je znao da je držanje opojne droge radi prodaje zakonom zabranjeno, to je i htio, pa je ostvario dogovor sa njemu poznatim licem „E.“ i pristao da mu proda opojnu drogu na način da ga je „E.“, prethodnog dana, oko 11:52 sati, pozvao putem mobilnog telefona sa korisničkog broja ... na njegov korisnički broj ... kada mu se obratio riječima „*halo komšija moj, imaš li me, znaš ko je ... ako hoćeš da ponovimo*“ na što mu G. M. odgovara potvrdno te da će vidjeti gdje će se naći kao i da može on doći do njega da bi policijski službenici MUP-a ZDK, dana 21.02.2025. godine, nakon što „E.“ šalje SMS poruku G.M. sadržaja „*Samo da se javim da me nezaboraviš*“ pri čemu u daljoj komunikaciji isti dogovaraju sastanak kod zgrade tzv. „kod displeja“ u blizini zgrade MUP-a ZDK gdje je „E.“ nastanjen, uočili kretanje pmv. marke „...“, registarskih oznaka „...“ kojim je upravljao G. M. a zatim, u prilikama kada se sastao sa E. B., izvršili kontrolu vozila i lica kojom prilikom je G. M. policijskim službenicima dobrovoljno predao biljnu materiju neto mase **97,902 grama** za koju je vještačenjem utvrđeno da sadrži psihoaktivnu komponentu „tetrahidrokanabinol“ (THC) te predstavljaju opojnu drogu „cannabis sativa L“, poznatiju kao opojna droga „marihuana“ koja se kao takva nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11)³ i to u Tabeli I (Zabranjene tvari i biljke) pod rednim brojem 13. Popisa opojnih droga, odnosno rednim brojem 26. Popisa psihotropnih tvari,

dakle, neovlašteno radi prodaje držao opojnu drogu,

5. G. M. i U. T., zajedno

dana 21.04.2025. godine, u vremenskom periodu od 10:46 pa nadalje, u Z., suprotno odredbama člana 4. stav 1. i članova 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako su znali da je prodaja opojne droge zakonom zabranjena, to su i htjeli, pa je G. M. navedenog dana licu E. Đ. prodao pvc kesu sa sadržajem biljne materije neto mase 23,004 grama za koju je vještačenjem utvrđeno da sadrži psihoaktivnu komponentu „tetrahidrokanabinol“ (THC), te predstavlja opojnu drogu „cannabis sativa L“ poznatiju kao „Marihuana“ koja se kao takva nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj: 8/06, 103/08 i 51/11)⁴ i to u Tabeli I (Zabranjene tvari i biljke) pod rednim brojem 13. Popisa opojnih droga, odnosno rednim brojem 26. Popisa psihotropnih tvari kao i dvije pvc kesice sa sadržajem bijele praškaste materije neto mase 37,404 grama i 0,599 grama koja sadrži psihotropnu komponentu „amfetamin“, odnosno predstavlja opojnu drogu koja se, kao takva, nalazi na pomenutoj listi opojnih droga i to u Tabeli II (Tvari i biljke pod strogim nadzorom) pod rednim brojem 1. Popisa psihotropnih tvari, a koju opojnu drogu je prethodno pripremio U. T., na način

³ Ibid 1.

⁴ Ibid 1.

da je, navedenog dana, G.M. putem mobilnog telefona korisničkog broja ..., u 10:46 sati, poslao poruku E. Đ. na njegov korisnički broj ... sadržaja „*Kako je, kad treba Renta, kad ces bit u Ze da ti pripremim auto*“, a nakon što mu isti potvrđuje da bi mogao doći oko „pola osam“ na benzisku pumpu „...“, G.M. poziva U.T. na korisnički broj ... sa upitom „*šta ima dole, možel se uč*“ na što mu ovaj odgovara „*ma norm, sve je čisto*“, pa tako, svjestan da se ne radi o dogovoru u pogledu iznajmljivanja bilo kakvog vozila jer E. Đ., u skladu sa međusobnim dogovorom, dolazi sa svojim vozilom marke „...“ registarskih oznaka „...“ na benzisku pumpu „...“ pored magistralnog puta ... u Z. gdje mu G.M., za njemu poznati novčani iznos, predaje naprijed opisanu opojnu drogu, a nakon čega policijski službenici u mjestu ... u Z. na istom magistralnom putu zaustavljaju u pravcu kretanja prema D. i kontrolišu pmv. marke „...“ registarskih oznaka „...“, kada utvrđuju identitet vozača E. Đ. koji im, na poseban upit policijskih službenika, potvrđuje da posjeduje određenu količinu opojne droge koju dobrovoljno predaje, a o čemu mu je izdata potvrda o privremenom oduzimanju predmeta,

dakle, neovlašteno prodali opojnu drogu

čime bi G. M. radnjama opisanim u tačkama 1. do 5., a U. T. radnjama opisanim u tačkama 2. i 5. počinili produženo krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 31/2023, u daljem tekstu "KZ F BiH") u vezi sa članom 31. KZ F BiH, a sve u vezi sa članom 55. KZ F BiH,